

一各府郡王將軍中尉若與親王無干及不係機密重情無故驀越具奏旨下所司查例上請

一王府官員有過名者例該改調緣

一王府官犯罪若因人連累及過誤律該管杖者就彼問擬奏

請若係帝國改調故意犯罪及干碍行止拜流徒以上者俱解京再問奏

請發落

各處

王府軍職縱人劫奪強盜調邊衛差操例

成化二年七月二十二日都察院右都御史

李等題為強劫害民事貴州道呈該巡

按直隸監察御史康驥呈問得犯人段剛招

係潘陽中護衛左所餘丁在廣平府威縣地

方下屯成化元年十二月二十日是剛不合

與見獲賊人王成王原拜未獲強盜陶友才

馬能齊五各騎馬匹身帶弓箭腰刀回到地

名王石營材南劫得過往客人張惟拽車驛

二頭到於威縣說知盜情實與民人范金楊

榮言定價銀九兩未曾交與又銀六兩捌錢

陶友才收藏三梭十二足麕布一足藍包袱

一箇磨菇五斤三梭褶手一領鉄鞭一條剛收在家俱各未分本月二十一日剛又不合糾合王成王原并未獲劉鑑呂友才劉榮各帶弓箭木棍到於廣宗縣民人馬貴家打劫得駝驢布疋氈襪鉄索等件未分當被馬貴跟踪到屯回縣告發有知縣劉俊縣丞趙冕陰陽官李欽帶領火甲人等前來圍捉是剛等知竟將駝驢撒放營外與陶友才等走在賀欽家藏孕被火甲帶領馬貴到於剛家內搜出前項收藏贓物陶友才家搜出銀四兩俱令失主識認明白領訖將剛妻王氏等作眼到賀欽家跟拏是剛等又不合各執捨刀拒捕當有本所副千戶賀英前來聞知剛等

打劫拒捕自到賀欽家喝令軍牢李元等將剛與王成王原陶友才及陶正混同捉拏是剛等跪說望父母官做箇主張有賀英分付伊弟賀聰係多尋些人等著劉知縣押段剛每過來劫奪了罷將剛等仍交李欽拴鎖回縣行至賀英門首賀聰不合率領二十余人各執捨刀吶喊一声劫奪剛等走散有賊人劉鑑劉榮呂友才因在別屯居住聞知事發與陶友才逃走不知去向遇蒙本月二十七日

敕宥廣宗縣累次行文提取賀英并三占怯不發有知縣劉俊備將前項情由奏蒙都察院轉行巡按御史提問賀英畏懼總將剛等捉獲送衛不

合隱下前情捏稱知縣劉俊等不知因何事情帶領兵牌火甲五百令人圍逐也堡本賊出營詢問有知縣等官回說本屯軍餘段剛等偷盜民人馬貴頭畜本職跟赴同將段剛王成王原陶正捉獲送衛監候不期知縣等又不移文委官問理妄行誣陷虛詞具呈本衛轉咨

潘王准信具奏蒙刑部行都察院轉行巡按御史併問蒙提剛等到院取問罪犯王成王原賀英招同議得段剛王成王原所犯俱合依強盜已行而但得財者不分首從律皆斬決不待時賀英除革前劫因罪名不坐外依不應得為而為之事理重者律載等杖七十照例納米

完日與免科賀聰供明劉俊趙冕李欽等各還戍隨住內段剛王成王原俱係重刑監候行提陶友才等至日通行呈詳待報發落等因到道卷查先該直隸順德府廣宗縣知縣劉俊等奏稱藩中陽護衛下屯軍餘段剛等打劫民人馬貴驛匹財物捉獲真贓正犯被管屯千戶賀英喝令家人賀聰等將各賊擒入私家脫放等情已經呈行巡按御史勘問未報續本院劄付准刑部咨為乞

恩陳請誣枉等事

內府抄出潘王奏該藩陽中護衛營據左所副千戶賀英呈有廣宗縣知縣劉俊等捉獲賊人段剛回縣不行移文會問誣害等情備咨已行巡

按衛史併問去後今該前因具呈到院看得
巡按直隸監察御史康驥呈問得犯人段剛
王成王原俱犯該強盜得財斬罪決不待時
質吳犯該不應事重杖罪照例納米完日與
免科賀聰等各還職隨住及段剛等係重刑
監候行提陶友才至日通行呈詳待報發落
除叅詳情罪合律外叅照千戶賀英叨襲祖
父勲階濫居

親王近侍却乃不遵札法黨惡為非謀令伊弟賀聰率
領人衆却奪強盜雖犯在革前終係行止有
虧人數難以容留隨侍

親王合無將本官調遣邊衛帶俸差操又照藩陽中護
衛掌印管事指揮官員平昔不能鈐束所部

軍餘致使共為強盜及至事發又不設法緝
捕却乃聽信千戶賀英虛詞妄啓

親王致家雀信煩瀆

聖聽俱合查提問罪其強盜段剛王成王原俱伏明白問
擬前罪俱係決不待時人數合無仍行巡按
直隸監察御史康驥將各犯照例會審無寬
就彼依律處決最首示衆徑自回奏及將瀋
陽中護衛該管指揮等官查提到官問擬如
律照例發落仍將該衛所管事掌印官員住
俸管事候提獲強盜陶友才等方許支俸誠
恐各處

王府護衛并邸牧所亦有此等無籍軍餘不務生理專
一打劫軍民及無知官員罔畏法度縱人劫

奪因犯合無通行禁約今後如有此等故犯
悉照賀英主謀劫囚事例問罪調遣如此則
法令嚴明而人知警懼盜賊斂跡而軍民獲
安緣千戶賀英係

親王隨侍軍職伏乞

聖裁段剛等係重刑及查提

王府軍職并通行禁約事理未敢擅便具題奉
聖主是欽此

成化六年三月二十日吏部尚書 等題
爲申明

循例禁約事

計開

一各處王府官員有過名者例該改調緣王府
官員人不願為多有故違憑限或尋小故失
錯答扶過犯意圖別用合無今後此等官員
除事干重情者照例該調若違限失錯小故
答扶等項罪犯免其問斷止令罰贖還職庶
奸詐不得藉此脫免原任